



Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris
Theologia Tripartita Universa**

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

Cap. II. De fide, operibus, gratia, & prædestinatione.

urn:nbn:de:hbz:466:1-38447

Tract. II. Cap. II. De Fide, Oper. & Prædest. Controv. Recent.

59

Item, illa doctrina necessariò est falsa, quam in antiquis Hæreticis primitiva Ecclesia damnavit.

Arqui doctrina Romani fidei opposita est talis, uti infra patebit. Ergo illa necessariò est falsa. Atque hæc argumentandi ratio ex propriis principiis delumpta, cuius Sectario facilis esse debet, & eorum quibus hæc scribo captivi, & utilitati maximè accommodata.

Quod si Adversarii hæc methodo convicti, contenti ad novas Scripturæ latebras declinare, adiungi erunt ad Methodum triplicem supra assignatam

patt. I. cap. 9.

CAPUT II.

De Fide, Operibus, Gratia, & Prædestinatione.

§. I.

Sectarii refelluntur.

Dacent primò Catholici, Fidem, & bona Opera peccatorem disponere ad justificationem, & gratiam primam, quæ transfert à statu peccati ad statum gratiæ, & hiliorum Dei.

Docent secundò, per Fidem, & bona opera justum mereri justificationem secundam, sive augmentum gratiæ, & justitiae semel acquisitæ, adeoque digna esse mercede, mediante tamen semper gratiæ & meritis Christi, *Trid. sef. 6. cap. 8.*

Contra docent tam Lutherani, quam Calvinistæ, solam Fidem ad salutem & justitiam sufficere. Bona opera ad salutem neq; necessaria neq; utilia: In omnia iustorum opera esse peccata, & illos tantum esse iustos per justitiam Christi illis imputata.

Vita sunt *Voerio* cum quibusdam modernis Sectariis, nimis cruda, ac rigida hæc suorum Prophetarum Lutheri, & Calvini oracula. Illa igitur ipsi novo Spiritu afflato sic reformanda censuerunt, ut per bona Opera obtineatur aliqua justificatio, non quidem in hac vita, sed saltem in futura. Sed hoc ipsum ut nimis laxum contrario Spiritu damnat Samuel Marcius, & acerbè exprobrit *Voëtianis*, *Illi plus quam mediæ partem Victoria Papistis concedere*. Ita loquitur in suis Diatribis de statu afflicto modernæ Theologie apud Confederatos p. 8.

Sed patet priora quæ retulimus dogmata, ex epis. Calvinii verbis referentis tam suam, quam Lutheri doctrinam *lib. 1. de libero arbitrio* pag. 141. Peccare iustos etiam in operibus bonis, & bona opera esse ex semper mortalia peccata (ait): nihil est in ipsis verbis quod non simpliciter, & circa ullam figuram verum sit, Item Lutherus, *in confit. Latoni* fol. 220. Omnis justitia est immunda, omne opus bonus peccatum. Denique Calvinus in *antidot.* pag. 291. In eo differt, à Lege Evangelium, quia non sub conditione operum, sicut illa, sed ex fide vitam promittit. Et hæc est communis Sectariorū confessio, quæ juxta traditam cap. I. Methodum clare & solidè confutatur hoc argumento.

II. Illa doctrina est hæretica quæ aduersatur Scripturis ex sensu primitiva Ecclesiæ, ut omnes Sectarii admittunt. Sed hæc doctrina aduersatur Scripturis ex sensu primitiva Ecclesiæ: Ergo hæc doctrina est hæretica.

Scripturæ aduersari ostenditur ex Evangelio, ubi præter Fidem requiritur observatio Mandatorum.

R.P. Arsfeld. Tom. I.

Matth. 19. Si vis ad vitam ingredi serva mandata. Et de mercede dicitur *Matthais 20. Voca operarios & redde illis mercedem.* Et *Matthais 5. v. 12. Gaudete & exaltate quia merces vestra copiosa est in caelis.* Eodem modo de merito & mercede bonorum operum loquitur Apost. ad Rom. 2. v. 6. *Deus reddet unicuique secundum operas sua.* Eti. ad Cor. 3. v. 8. *Unusquisque propriam mercedem accipiet secundum suum laborem.* Frustra insuper diceretur *Ioan. 3. v. 14. Qui non diligit manet in morte,* si sola fides ad vitam, & salutem insufficeret.

Denique Apostolus Jacobus suæ Epist. cap. 2. v. 20. aperte declarat, *Fidem sine operibus mortuum esse..... Et ex operibus justificari hominem, & non ex fide.* Si dicat Sectarius Epistolam D. Jacobi Canoniam non esse, jubeat id ex Scripturis probare, juxta methodum primam suprà assignatam.

3. Si in oppositum adferat Apostolum Paulum ad Rom. 2. ubi dicit, *nos gratis justificari, & sine operibus legis.* Respondetur Apostolum agere de operibus legis ceremonialibus, quibus Judæi le coram Deo iustos reddi, falso existimabant. Nostram autem doctrinam aperte tradit id Apostolus ad Rom. 2. v. 13. *Non enim auditores legis justi sunt apud Deum, sed factores legis justificabuntur.*

4. Senum primitiva Ecclesia circa has Scripturas Luther & Calvinus è diametro contrarium esse, ex testimonio SS. Patrum, qui in primitiva Ecclesia floruerunt, nunc manifestè declaro.

S. Augustinus lib. de fide & operibus cap. 14. Jam, inquit, illud videamus quod excutiendum est à cordibus religiosis, ne malâ securitate salutem suam perdant, si ad eam obtainendam solam fidem sufficere putavarent.

Idem in epist. 105. ad Sixtum. Sicut merito peccati tanquam stipendum redditur mors, ita merito justitiae tanquam stipendum vita æterna.

S. Cyprianus libro de unit. Eccles. circa medium. Justitiae opus est, ut promereri quis possit Deum, præceptis & monitis ejus obtemperandum est, ut accipiant merita nostra mercedem.

S. Ambrosius lib. 1. de offic. cap. 35. Nonne evidens est meritorum aut præmia aut supplicia post mortem manere.

S. Basilus Orat. in init. proverb. Omnes qui viam Evangelicam incedimus mercatores sumus, per operam mandatorum nobis possessionem cœlestium comparantes.

S. Cyrillus lib. 10. in Joan. cap. 18. Quod autem fides ad salutem non sufficiat, Christus etiam discipulis ostendit, tu credis quia unus est Deus.

5. Ex his adeo manifestis hoc tantummodo potes concludere. Vel Scriptura erravit cum primitiva Ecclesia, vel nunc errat doctrina Lutheri & Calvini in terministam illi, quam illis contraria. Sed nec Scriptura, nec primitiva Ecclesia errarunt, ut ipsi fatentur. Ergo erronea est hæc Lutheri & Calvini doctrina, & consequenter tota eorum Secta, quæ huic doctrinæ adhaeret.

§. II.

Prædestinatione Calviniana exponitur, & refutatur.

Dacent Calvinistæ, Primò, Homines independenter à suis meritis, vel demeritis æterno Dei decreto

H 2

creto

60 Tract. II. Cap. II. De Fide, Oper. & Prædest. Controv. Recent.

creto prædestinari ad gloriam, vel reprobari ad penas eternas: etiam independenter à præfitione peccati originalis.

II. Ut Deus prædictum Decretum executioni mandaret, illum absolute ordinasse, ut Adam cum tota posteritate peccaret, ut inde haberet occasionem exercendi suam iustitiam circa reprobos, & suam misericordiam erga prædestinatos. Sed hæc manifestè adversantur Scripturis omnes homines sine exceptione excitantibus ad virtutem, hortantibus lapsos ad prænitentiam, & testantibus Deum ex parte sua nullius hominis perditionem desiderare, ut illud *Ezechielis 18. Nolo mortem peccatoris dicit Dominus, sed magis ut convertatur & vivat, & alibi locis innumeris. Unde eum torrente Patrum clarum est illud Augustini, Omnis quidem hominum Deus creator est, sed nemo ab eo ideo creatus est, ut pereat, quia alia est causa naescendi, alia pereundi. Ut enim nascuntur homines, est beneficium, ut autem pereant, prævaricationis est vitium.*

III. Docens Christum pro omnibus mortuum non esse, sed pro solis electis & prædestinatis. Contra apertam Scripturam 2. ad Cor. 5. v. 15. *Christus pro omnibus mortuis est.*

IV. Deum non omnibus dare gratiam, sed solis prædestinatis. Contra illud Apost. *Deus vult omnes homines salvos fieri, quantum est ex parte auxiliu divini.*

V. Hominem in statu naturæ lapiſe, perdidisse libertatem arbitrii, sic ut concupiscentiæ, aut gratia interna non possit resistere. Cum tamen Scriptura contrarium dicat Act. 7. v. 51. *Vos semper Spiritui sancto resistitis.*

VI. Deum hominibus præcipere impossibilia, adeoque omnia mandata non posse servari. Contra Apostolum ad Philip. 4. v. 13. *Omnia possum in eo qui me confortat.*

VII. Hinc porrò fieri, ut solis prædestinatis detur fides in Christum, quā illi amittere non possunt, reprobis autem ad fidem non vocentur, nisi forte voce externa, nec ad hanc habeant gratiam sufficientem.

VIII. Hinc solos prædestinatos esse per fidem adscriptos in Ecclesiam Dei, reprobos vero, uti à fide, ita ab Ecclesia excludi.

IX. Prædestinatos eti peccant, eorum peccata ipsi non imputari: reprobos vero à Deo impelli ad peccandum; nec ullum ipsius peccatum remitti. Hæc Scripturis supra citatis, aliisque aperè advertantur.

Ista autem dogmata nefaria ut ex ipsius Calvinii doctrina solidius patescant, paucula hic ipsius verba oculis subiecio. *Calvinus lib. 3. Institutionum cap. 21. post multa §. 7. circa finem*, sic concludit. Quod ergo Scriptura clare ostendit, dicimus, eterno & immutabili consilio Deum semel constituisse, quos olim afflumere vellet in salutem, quos rursum exitio devovere. Hoc consilium quoad electos in gratuita ejus misericordia fundatum esse asserimus, nullo humanæ dignitatis respectu: Quos vero damnationi addicit, his iusto quidem & irreprehensibili, sed incomprehensibili ipsius iudicio, viræ aditum præcludi.

Et cap. 22. §. 3. Ubiunque vero hoc regnat Dei platicum, nulla in considerationem veniunt opera. Et. 11. Si non possimus rationem assignare, cur suos misericordia dignetur, nisi quoniam illi ita placet; neque etiam in aliis reprobandis aliud habebimus, quam ejus voluntatem.

Et cap. 23. §. 1. Minime consentaneum est, præ-

parationem ad interitum aliò transferre, quam ad arcanum consilium Dei.

Et cap. 23. §. 8. Hic ad distinctionem voluntatis, & permissionis recurrit, secundum quam obtinere volunt, permitte modo, non autem volente Deo perire impios; & paulo post: Non dubitabo igitur cum Augustino simpliciter fateri, voluntatem Dei esse rerum necessitatem, atque id necessariò futurum esse, quod ille voluerit. Hæc & plura de his paſſim Calvinus, & cum eo ejus aſſeclæ.

Doctrinam horum singulis oppositam communis confundit, ac probant Catholicæ, uti à nobis illa exhibetur, & deducitur infra part. 2. *controverſia* de prædestinatione abſoluta ad gloriam &c.

Objiciunt Calvinista pro se potissimum locum Apostoli ad Roman. c. 9. ubi ver. 9. ait: Non est volentis neque currentis sed miserentis Dei. Et ibid. ver. 17. In hoc ipsum excitam te (scilicet Pharaonem) ut ostendam in te virtutem meam. Et ver. 18. Cujus vult miseretur, & quem vult indurat. Denique ver. 21. An non habet potestatem filius lutu ex eadem massa facere, aliud quidem vas in honorem, aliud verò in contumeliam: Ergo Deus sua sola voluntate independenter ab operibus homines prædestinat sive ad gloriam, sive ad pœnam eternam.

Respondet negando conseq. Hic enim agit Apostolus tantum de electione & reprobatione ad primam gloriam, & fidem independenter à præcedentibus meritis, non verò de electione ad gloriam eternam, aut reprobatione ab illa, de qua loquitur & contendit Calvinus: Scopus enim Apostoli erat reprehendere Iudeos qui propter opera legis & cærenomias præferabant se Gentilibus ad Fidem Christi conversis, declarans illis vocationem & electionem ad fidem & gratiam Christinon dependere ab operibus legis, sed esse gratuitam, & ex beneplacito Dei hos præ illis ad fidem vocantis: ac proinde nihil facit pro electione ultimata & absoluta ad gloriam independenter ab operibus.

Objiciunt 2. Prædestinationem divinam cum libertate humana non confitentes, hoc argumento. Præscientia Dei cui nititur prædestinationis, est certa & infallibilis, sic ut non possit non esse quod illa præscivit futurum. Ergo opera nostra, & ex illis salvi aut perditio necessaria proveniunt.

Reſpondet negando conseq. Potest enim aliiquid esse certum & infallibile, quamvis ex necessitate proveniat, sed sit merè contingens ac liberum, quando scilicet non provenit illa infallibilitas ex intrinſeca terminorum connexione, uti fit in divina præscientia & prædestinatione quæ est extrinſeca respectu nostræ operationis: hoc modo certum & infallibile est me jam loqui, quamvis omnino libere loquela exercet.

Objiciunt 3. Nemo potest resistere Decreto prædestinationis divinæ: Ergo omnia quæ Deus fieri decrevit circa hominis prædestinationem, aut reprobationem, sunt necessariæ.

Respondet negando consequiam. Sed sicut tantum inferri potest, ergo omnia quæ Deus fieri decrevit sunt eo modo quo Deus decrevit ut fierent, sive velit fieri necessariæ, sive liberæ. Jam vero ex Scripturis paſſim constat, ut supra breviter ostendi, Deum decrevit eo modo concurrere cum nostra voluntate ut huic in agenda sua libertas relinquitur. Ergo isto modo concurrit, nisi velis Deo suam omnipotentiam,

tentiam, & veritatem adimere. Tali autem Dei decreto nemo potest resistere, quia nemo potest impetrare quo minus Deus, quo ipsi placet modo, cum homine etiam ad liberum agendum concurrat sicut ipse decrevit. Unde advertat Calvinista se illo arguento non tam hominis libertatem, quam Dei omnipotentiam, & veritatem oppugnare.

Instant tamen ulterius. Deus ab æternō præscivit v.g. Antichristum peccaturum: Ergo Antichristus peccabit. Antecedens hujus consequentie est necessarium, ergo & ipsum consequens, Antichristus peccabit; cum necessitate autem non potest stare libertas.

Resp. Antecedens illud est necessarium, necessitate antecedente, nego, necessitate consequente, concedo, hoc est, ex suppositione quod Antichristus se actu & liberum determinabit ad peccandum, necessarium est illud peccatum à Deo præsciri, qui nihil potest ignorare: hæc autem necessitas consequens non provenit ex aliqua causa antecedente quæ illum urgeat aut determinet ad peccandum, sed potius præscientia illa presupponit exercitium libertatis, & est illo natura posterior, quamvis sit tempore prior, eo quod omnia que sunt in Deo debent esse aeterna: ut magis deducimus infra part. 2. de scientia Dei, gratia, predeterminatione &c. Unde patet quam immixtio jaclaverit *Wicelius* argumentum prædictum adeo esse efficax ut *Armaeanus* per viginti annos in illius solutione laboraverit, ac tandem vi illius coactus dixerit, Deum in sua præficiencia posse errare. Quod in Armaeano nuspam legi, & falso imponitur doctissimus *Thomas Waldensis*.

Ex prædicta Calvinistarum doctrina oritur illud hominum desperatorum Dilæmma, ad omnem vendi libertatem, ac flagitium viam apertam pandens. Vel ab æternō sum prædestinatus ad cœlum, vel reprobatus ad infernum. Si prædestinatus, quid agam salvabor: si reprobatus, quidquid agam certò damnabor. Ergo non debo de bona vel mala vita esse sollicitus.

Sed hujus dilemmatis fallacia dissolvitur hoc modo: Si sum prædestinatus, per media scil. in mea potestate constituta, certò salvabor, si illa media adhibeam; damnabor si illa nolim adhibere. In mea aurem libertate relictum est, illa media amplecti, ex quibus debo esse prædestinatus, vel ea omittendo efficer ut sum reprobatus: quod satis unicuique rete vivendi curam imponit. Ut patet in hac agrotantis similitudine. Vel Deus ab æternō prævidit & decrevit ex hoc morbo moritum, vel non. Si prævidit moritum, certò morieris, si minus, certò convalesces. An ideo omittis medicinam idoneam applicare ne mors obrepatur? Quod si putas vitam corporis per medicinam conservari posse, ne intereat, quomodo non credis te per Peccatiā, & bona Opera impedire posse ne mortem animæ aeternam incurras.

Ut vero hi, aliqui errores de Gratia divina, & Libertate humana accusati refellantur, plures de iis horum temporum controversiae in sequentibus explicanda erunt.

§. III.

De Gratia Christi, Operibus, Libero arbitrio, Controversia Recentioris.

Propriot herefes Lutheri, & Calvini de Gratia Christi, & Libertate humana, circa annum 1641. pro-

dierunt errores comprehensi in libro qui Augustinus Jansenii inscribitur. Hos errores in primo ortu detexerunt Professores Societatis Jesu in Academia Lovaniensi, acne latius serperent, illos publicis Theſibus, ac validis argumentis oppugnarunt. Signum fūstulerunt illæ ceteris Europæ Academiis, & Provinciis, ut aduersus dogmata fidei Catholicae pernicioſa omni ope & authoritate dimicarent. Id impigrè tam voce, quam calamo præstiterunt omnium ordinum Viri celeberrimi, & imprimis Doctores Sorbonici, ac totius paene Gallia Antifitites. Horum omnino supra octoginta doctrinæ aut infusis eximiū, cum Sorbonæ parte longe maxima, ac frequenti aliorum Ordinum assensu, ut gravissimum ab Ecclesia periculum averterent, rem totam ad supremum controversiarum judicem Pontificem Romanum suo nomine deferendam confidere.

Fuerunt quidem præcipua Jansenii dogmata prius proscripta inter propositiones septuaginta novem Michaëlis Baij per Constitutiones Pii V. & Gregorii XIII. quas postea confirmavit Urbanus VIII. ipsumque Jansenii librum tanquam damnata doctrina restaurante omnibus sub anathemate interdixit. Sed cum non deciderent qui vario ducti studio Pontificis Decretis obstreperent, placuit Apostolice Sedi ad novum, supremumque examen rem totam revocare.

Iaque Innocentius X. summâ curâ ac studio tam per se, quam per viros doctissimos, excusso Jansenii volumine, quinque ex eo propositiones selegit, quæ præcipuum libri doctrinam continebant, eaque sepius examinatas, de Apostolice potestatis plenitudine, gravibus censuris confixit, & Constitutione in perpetuum valitutē condemnavit.

Ut vero aliqui iustum hunc fatalem novâ arte à novi Authoris capite averterent, has quinque propositiones, quas antea ipsam esse Augustini doctrinam defendebant, postea aliqui mutato consilio eadem à Jansenii libro, ac mente longissime abesse affirmarunt. Hos demum novo diplomate compescendos censuit Alexander VII. quo damnata dogmata, non tantum eadē quæ prædecessores censurā, profligavit, sed etiam ea in Jansenii libro eo quo damnata sunt sensu contineri Apostolicae autoritate definiti.

Ut igitur has quoque propositiones in controversiis polemicis de Gratia quæ cæpimus methodo, Missionario Apostolico breviter proponamus, primò singula dogmata cum censura illis inusta profemus, & quo loco ab authore tradita sunt, prolatis etiam ipsius verbis, demonstrabimus. Dein quo modo Scripturæ, Conciliorum, Patrum, ac præteritum S. Augustini autoritatē aduersentur, cun faciliti argumentorum solutione, breviter, & dilucidè exponemus.

Prima Jansenii Propositio.

Aliqua Dei præcepta hominibus justis volentibus & conantibus, secundum præsentes quas habent vires, sunt impossibilia; deest quoque illis Gratia quæ possibiliasiant. Hanc doctrinam Innocentius X. & Alexander VII. ut temerariam, impianam, blasphemam, anathematice damnatam, & Hæreticam declararunt ac damnarunt. Extat autem illa doctrina in libro Jansenii Tom. 3. lib. 3. cap. 13. col. 334. his terminis: *Hac igitur omnia plenissime*

Alsde
Kih

Theo.
logia

D. 11
L. 2

* 2 Tract. II. Cap. II. De Grat. Operibus, Lib. Arbit. Controv. Recent.

plenissimè planissimè demonstrant, nihil esse in S. Augustini doctrina certius ac fundatius, quam esse præcepta quedam qua hominibus non tantum infidelibus, excommunicatis, obduratis, sed fidelibus quoque & iustis volentibus, conantibus secundum presentes quas habent vires, sine impossibilita, deesse quoque gratiam, quâ sicut possibilia. Idem patet ex iis quæ habentur eod. cap. col. 325. & 326.

Reprobatur illa doctrina primò ex Scripturis. Hæc enim hortantur homines ad omnium mandatorum observationem, quod frusta fieret si ad hanc voluntati humanae vires deessent; quin & gratiam qua præcepta impleri possint eadem Scriptura dixerit pollicentur. ad Corinth. 10. v. 13. *Fidelis Deus, qui non parietur vos tentari, supra id quod potestis:* Et Lucas 19. v. 21. *Regnum Dei intra vos est: ac Joan. 5. v. 4. Mandata illius gravia non sunt.* Quomodo vero gravia non essent, aut intra nostram potestatem constituta, si nec gratia, nec vires adfert, quibus per observationem mandatorum peccatum vitari possit?

Causam vero comminiscitur Jansenius Tom. 3. lib. 3. cap. 17. cur non frustra ad observationem mandatorum consilia, & mentiones adhibeantur: *Quia, inquit, habent usum significandi homini, ut si forte posset, faciat quod jubetur, si non possit, infirmitatem doleat: ore que pro viribus impetrans.*

At quid juvant ista ad movendam peccandi necessitatem, si dum tentatio urget, nec spatiū, nec gratia ad orandum necessaria concedatur? Hanc autem quandoque deesse, dixerit fatetur ipse Jansenius supra cap. 13. *Est, ait, quedam voluntatis infirmitas qua non potest certas tentationes superare, nec adest gratia, qua superentur, nec Spiritus orationis quo vires impetrantur.*

Reprobatur secundò, ex mente S. Augustini, quem finstra Jansenius doctrinæ suæ patronum gloriat. Huic enim errori aperte refragatur, de peccatorum meritis & remissi. lib. 1. cap. 6. *Dubitare, inquit, non possum, nec Deum aliquid impossibile homini præcepisse, nec Deo ad opitulandum & adjuvandum, quo fiat quod jubet, impossibile aliquid esse, ac per hoc potest homo, si velit, esse sine peccato adjutus à Deo.* Quid dici potuit apertius? Sed audi fortius loquentem Sermonem 19. de tempore: *Execramur blasphemiam eorum, qui dicunt impossibile aliquid homini à Deo esse præceptum, & mandata Dei non à singulis, sed ab omnibus in communi posse servari.* Quinimo lib. de nat. & grat. cap. 67. pro evidenti principio statuit, neminem posse peccare in eo quod nullo modo caveri potest: peccatur autem præcepti violatione; ergo ea caveri potest.

Ad hunc Scripturæ, ac S. Augustini sensum tam exploratum accedunt Canones Conciliorum, à quibus impium dogma diro anathemate confixum est. Sic enim primis illis Ecclesiæ temporibus de hac doctrina pronunciavit Concilium Arausicanum Can. 25. *Hoc etiam secundum fidem Catholicam credimus, quod accepta per Baptismum gratiâ omnes Baptizati, Christo auxiliante & cooperante, qua ad salutem pertinent possint & debent, se fideliter laborare velint, adimplere.* Et contra hujus ævi Novatores novum hoc anathematis fulmen vibrat Tridentinum Sess. 6. Can. 18. *Si quis dixerit Dei præcepta homini etiam iustificato & sub gratia constituto esse ad observandum im-*

possibilita, anathema sit. Idemque Concilium, ad implenda Dei præcepta adesse justis vires, nec absesse Dei adjutorium disertius inculcat, eadem Sess. 6. cap. 11. *Deus impossibilia non jubet, sed iubendo monet, & facere quod possit, & petere quod non possit, & adjuvare ut possit.*

Si queraras, quid ad hæc profligati dogmatis assertor? Argutias quasdam obtendit, scilicet, Impotentiam implendi mandata talem esse, ut peccatores non desinerent ea implere, si vellent; velint enim, & mox ut voluerint, mandata implebunt. Aperta est hæc responsio, eamque tam facile capio, quam claudum posse ambulare, dummodo ambulet: istud verò non concipio, quid ista potentia ad ambulandum juvet, si quis incedere jubeatur, qui fractis cruribus non magis potest gressus formare, quam assumptis alis in cælum evolare. Neque magis concipi potest quo pæcto peccator possit mandatis obtemperare, cui deest gratia & potentia, ut per viam mandatorum progredi valeat.

At, inquires, posset peccator implere præcepta in alio statu; quando scilicet gratia victoris auxilium haberet, ac proinde dum peccat, est saltem remotè potens ad non peccandum.

Sed quid juvat posse hominem in alia hypothesi servare præcepta, si nunc dum mandatum illi incumbit? Ita constitutus sit, ut auxilium in promptu non habeat, quo possit præceptum explere? Ut si quis in tenebrisco carcere conclusus jubeatur litteras perlegere, quis dicet illi nunc adesse obtemperandi potestatem, quamvis postea, si panderentur fenestræ, luce affulgent, legendi facultas non deesset. Nunquam sane negavit Calvinus voluntatem humanam, quæ violato præcepto in peccatum prolapsa est, potuisse à Deo per alia auxilia inflecti ad præcepti obseruationem: & tamen eius doctrina ab Ecclesiæ reprobata est, eo quod asseruerit, in hoc statu homini iusto aliqua Dei præcepta esse impossibilia. Hac igitur via nullum datur effugium, nisi luteat Calvini veribus inhærente.

Alia tentatur via, sed longinqua: ad Adamum scilicet, & Paradisum, & prima mundi exordia recurritur. Prætenditur enim, peccatum quod à nobis propriâ voluntate admittitur, continuationem esse delicti ab Adamo in Paradiso pridem commissi, ex quo in nos peccati fomes profluxit: atque ita ex utriusque peccato unum quodammodo actum conflari, qui nobis hoc ipso sit liber, quo in Adamo liberè incepit.

En Machinam longè quæsitam, & bellè compactam. Quid enim à veritate longinquus fingi potest, quam peccatum ab uno homine propriâ voluntate hodie commissum, eam quam habet libertatem isto modo derivare ab alieno delicto, quod à sex millibus annorum sua tantum voluntatis arbitrio liberè incurrit? Aliud longè est de reatu peccati originalis, quem ut contrahamus nullus omnino voluntatis nostræ actus requiritur.

Quod si polint actus à nobis eliciti malitiam pœnâ æternâ plectendam contrahere, ex eo quod ab Adamo peccato causam & ortum habuerint, cur etiam peramentiam, cæcitatem, & alias hujusmodi affectiones necessarias, peccati reatum non incurrimus, cum hæc quoque à primi parentis delicto in nos profluerint?

Quinimo si responsum illud aliiquid veritatis habet,

beret, inde pariter conficerem, peccata hominis Baptizati omni prorsus culpā carere. Cum enim, ut ajunt, suam libertatem ac formalem malitiam ea non habeant, nisi ut conjuncta cum peccato Adami, sublatio jam in nobis per Baptismum primi parentis peccato, non possunt actus nostri, quibus praecepta transgredimur, formalem malitiam retinere, aut pœna à Deo justè infligendæ reatum incurtere. Denique si actus illi aliena ex libertate malitiam contraherent, nequidem poterunt à Deo sub reatu pœnæ æternæ hominibus prohiberi; sic enim in statu naturæ lapsa homini imperare non potest ut careat concupiscentia, quamvis in Adamo liberum fuerit non peccando concupiscentia somitem à posteris summovere. Ex quibus breviter, ac manifestè apparer, hanc doctrinam ab Ecclesia merito proscriptam, nullæ veritatis specie à quocunque defendi.

Secunda Propositio.

Interior gratia in statu naturæ lapsa nunquam resistitur. Jansen. Tom. 3. lib. 2. cap. 5. col. 103. Nullus inquit, adjutorium gratia, cuius usus ita ponitur in arbitrio voluntatis, ut illo utatur aut non utatur, ut illud amplectetur aut deserat, aut illi consentiat aut non consentiat se voluerit, ad medicinale adjutorium Christi: illo modo pertinere potest. Idem patet ex cod. lib. cap. 24. col. 200. & cap. 25. col. 202. & cap. 27. col. 210. Hanc propositionem Innocent. X. & Alexander VII. haeticam declaravit, & ut talem damnavit.

Repugnat illa primò testimonii Scripturarum, quæ docent hominem resistere vocationi divinæ, & sibi hortantur ut accepte gratia cooperetur: quod fructiferum fore, si gratia per se voluntatem humanam ad consentium ita raperet, ut nunquam ei dissentiendo resisteret. Sic autem loquitur Scriptura Proverb. I. vers. 24. *Vocavi et renuisi, extendi manum meam, et non erat qui afficeret.* Et Matth. 20. v. 16. *Multi sunt vocati, pauci vero electi:* Item Matth. 23. vers. 37. *Quoties volui congregare filios tuos, quemadmodum gallina congregat pullos suos sub alas, et non iussi.* Et Act. 7. v. 51. *Vos semper Spiritui Sancto resistitis.* Denique 2. ad Cor. 6. v. 1. *Exhortamus ne in vacuum gratiam Dei recipatis.* An non otiosa hac ad gratiam recipiendam exhortatio, an non iniqua in resistentes exprobratio, si talis esset natura gratiae divinæ, ut à nulla possit voluntate repudiari?

Jam vero inspiciamus de hoc dogmate quis fuerit primeva Ecclesia sensus, ac imprimis S. Augustini lib. de Spir. & litt. cap. 34. *Misericordia Dei preventivit nos, consente autem vocationis Dei antea ea dissentire, nostra voluntatis est.* Eodem modo vim illam voluntatis, in repellenda gratia vocationis divinae, exponit in Evangelio de vocatis ad nuptias, quorum aliqui noluerunt Christo vocanti obtemperare: *Ad illam conam, inquit, nec omnes qui vocati sunt venire voluerunt, neque illi qui venerantur posse nisi vocarentur: itaque ne illi debent sibi tribuere qui venerantur, nec illi qui noluerunt venire, debent alteri tribuere, sed tantum sibi.* Qui ut venirent vocati, erat in LIBERA VOLUNTATE. S. Augustinus testis accedat ejusdem Doctoris & avi discipulis S. Prosper lib. 2. de vocat. Gent. cap. 26. *Voluntas de sua habet mutabilitatem si deficit, de gratia vero ipsa mutatione si proficit:* Et quod à multis refutatur gratia, ipsorum est nequitie: quod à multis recipitur gratia divina est, & voluntatis humanae.

Perpetuum hunc Ecclesia sensum' veneratur Tridentina Synodus, & oppositum contra Sectarios nostri temporis sub anathemate proscribit Sess. 6. Can. 4. *Si quis dixerit liberum hominis arbitrium à Deo motum & excitatum... non posse dissentire, anathema sit.* Nec minus aperte Sess. eadem cap. 5. *Tangente Deo cor hominis... inspirationem illam recipiens, abjecere potest.* Eodem veritatis spiritu afflatum idem enunciavit Concil. Senonense anno 1528. Decreto fidei 15. *Non est tale trahentis gratiae auxilium, cui resisti non possit.*

Si que igitur vis divinis eloquiis, si quæ veritas Sanctis Ecclesiæ Patribus, & Concilis, ex his manifestum evadit, hanc esse doctrinam omni ævo in Ecclesia Christi comprobata: adeo ut quisquis adhuc veritati fidei tam luculentè repugnat, hoc ipso satis ostendat, se divinæ gratiae posse resistere.

Quibus vero modis & argumentis quidam moliantur huic veritati obsistere, & in operibus gratiae voluntatem humanam ineluctabili necessitatib[us] subjicere, in propositionis 3. refutatione, ubi agitur de libertate ad meritum requisita, mox aperiemus.

Tertia Propositio.

Ad merendum & demerendum in statu naturæ lapsa non requiritur in homine libertas à necessitate, sed sufficit libertas à coactione. Hanc propositionem Innocentius X. & Alexander VII. haeticam declaravit, & ut talen damnavit. Eam vero docet & explicat fusè Jansenius lib. 6. de grat. Salvatoris cap. 6. & seqq. ubi declarat in ordine ad actionem meritiorum vel demeritorum, nihil esse quod impedit libertatem voluntatis, præter coactionem. Et breviter Tom. 3. lib. 9. cap. 12. col. 658. Sic pronunciatur: *Nihil aliud libero generiter repugnat, quam necessitatis illius prementis, cogentisque violencia.* Et hinc asserit satis inesse libertatis ad meritum actui amoris quo Deus seipsum diligit, si Deus meriti capax esset.

Huic errori sat apertè quadrat haeresis Calvini, qui disertè profitetur, le non aliam impugnare libertatem, quam eam quæ sita est in facultate voluntatis ad utramque partem expedita, quæ scilicet præbeat liberam agendi vel non agendi potestatem, quam libertatem indifferentem nuncupamus: sic enim loquitur ipse in Antidoto ad Can. 5. Conc. Tridentini. *De verbo, inquit, ne moveamus rixam, sed quia per liberum arbitrium intelligunt (Catholici) eligendi facultatem, quæ sit in utramque partem libera & soluta, titulum sine re esse qui affirmant, Christum habent auctorem.*

Quam vero longè abeat dogma hoc fatale à Scriptura, Parrum, & Eccleſia ſenu, restantur aperta veritatis oracula, quibus iniuricū gratiae & libertati humanæ commentum perpetuò aversantur.

Atque imprimis ex Sacris litteris manifesta intorquetur sententia Genesis 4. vers. 7. *Nonne si bene egeris recipies; si autem male, sub te erit appetitus tuus, & tu dominaberis illius.* Hanc expeditam ad utrumque libertatem in homine justo difertè agnoscit Ecclesiasticus cap. 31. vers. 1. *Qui potuit transgredi & non est transgressus, facere mala & non fecit.* Nec minus humanam libertatem, ut subsiftat, ab omni necessitate remotam requirit Gentium Apostolus 1. ad Corinth. 7. vers. 31. *Qui statuit in corde suo firmus, non habens necessitatem, potestatem autem habens sua voluntatis.* Necessitatem à libertate ſejungit Apostolus, illam cum libertate

Alsde
kin

Theo.
logia

D 11/2

II 3/1

64 Tract. II. Cap. II. De Gratia, Operibus, Lib. Arbit. Controv. Recent.

tate conjungit Jansenius: quis hic erravit, nisi qui errare potuit?

Sed, inquies, quid de Augustino? Sat nota ejus mens & sententia, si non alius quam ille Ecclesiae Augustinus audiatur. Paucis verbis decretoriam in hac controversia sententiam pronunciat Lib. de vera Religione cap. 14. *Quoniam peccari non dubium est, nec hoc quidem dubitandum video, habere animas liberum voluntatis arbitrium: tales enim servos suos meliores esse Deus judicavit, si et servient liberaliter, quod nullo modo fieri posset, si non voluntate, sed necessitate servient.* Audit S. Augustinum liberum arbitrium sic explicantem, ut nulla sit liberalitas, nulla libertas, si Deo non serviantur ea voluntate quae omni careat necessitate. An non hoc iterum inculet lib. de Spir. & litt. cap. 34. *Consentire vocationi Dei vel ab ea dissentire, propria voluntatis est.* Iterumque de lib. arbit. lib. 3. cap. 18. *Ifsa est causa voluntatis, si non ei potest resisti, sine peccato ei cedetur, si autem potest, non ei cedetur, & non peccabitur.* Si quis Augustinum tam clara, tam fana suadentem audire nolit, videat ne ab eodem infanctie arguitur lib. de duab. Animabus cap. 12. *Dicere reum teneri quempiam, quia non fecit quod facere non potuit, summa est iniquitas, & infanta.*

Quid ergo mirum summos Pontifices divino Spiritu afflatos illam doctrinam abolere, quam Sacrum litterarum, Sanctorumque Patrum consensus toties condemnat.

Consensum hunc testatur Concilium Senonense in decretis fidei decreto 15. ubi concludit, percurrenti Sacram Scripturam obvium esse quod liberum in utramvis partem hominis arbitrium assevereret. Homini demique vestigiis insistens Concilium Tridentinum Sess. 6. Can. 4. sic tandem dicit. *Si quis dixerit liberum hominis arbitrium à Deo motum & excitatum... Deo excitanti atque vocanti non posse dissentire, si velit, anathema sit.* Agit autem de potestate dissentendi, quae consistit in libertate indifferentiae ad merendum & demerendum necessaria. Si enim libertas ad meritum requisita stare posset cum necessitate ad unam partem determinante, parum Concilio laborandum fuisse, ut statueret de libertate per quam voluntas motioni praesens & excitantis gratia posset dissentire, cum haec alia esse non possit quam libertas in sensu composito expedita ad agendum vel non agendum, quae cum necessitate ad unum adstringente componi non potuit.

Quid igitur in re tam clara reponunt istius dogmatis patroni? Aliquas excogitant subtilem remoras qua peripicus veritati tenebras offundant. Ajunt enim se admittere in voluntate libertatem sive indifferentiam potentie, non vero actionis: istam vero indifferentiam potentie dicunt sitam esse in mutabilitate, & flexibilitate humanae voluntatis, quae annexa est statu vita praesentis, in qua modo ad voluntendum, modo ad nolendum facile inflectimur, quamvis quod in particulari volumus, id necessarium velimus.

Sed quid hoc aliud est, quam voluntatem de uno actu necessario, in alium necessarium devolvi: cum quavis actio voluntatis sua careat indifferentia, & elicatur hic & nunc à potentia in actu primo ad illum determinata. Aut quan potest ipsa potentia habere indifferentiam, quando, sine potestate ad oppositum, ad hanc tantummodo actionem adstricta re-

tinetur: Itaque tota quae hic pretenditur voluntatis mutatio, alia non est, quam concatenata commutatio unius necessitatis in aliam: interea in quavis actione catenam semper ad unum astringentem subi voluntas, sive auream operis boni, sive ferream actionis pravae: optio vero catena quae astringitur non est ipsius voluntatis, sed providentiae gubernatricis, quae sive delectationem iustitiae, sive concupiscentiae pro arbitrio dispenser, debet illi voluntas humana inevitabiliter necessitate obsecundare. Hac illa est insignis larva libertatis, quam neque Manichaei quos impugnat Augustinus, nec Astrologi fatorum assertores, nec Wiclefus, aut Calvinus ab Ecclesia damnatus, suam esse recusarent; ac proinde, si huic sententiae credimus, heretici illi totam admisere libertatem, que ad merendum & demerendum in natura lapsi statu requiritur. Alia sane libertate eget creatura ratione praedita, ut apud suum creatorem laudem vel vituperrum, premium vel pecuniam mereatur: ut nempe cardo voluntatis in bonum vel malum ab ipsa inflectatur, & sic agat, ut quantum est ex parte omnium que actionem antecedunt possit ab agendo abstinere. Sine huiusmodi libertate nemo sui incepti actionem moraliter peccatum, vel primum dignam censabit.

Quarta Proposition.

Semipelagiani admittebant preventivam gratiam interiorem necessitatem ad singulos actus, etiam ad initium fidei: & in hoc erant heretici quod vellent eam gratiam talem esse cui posset humana voluntas resistere, vel obtemperare. Tradit hujus primam partem diffusus nominatus Author lib. 8. de heresi Pelag. cap. 6. Secundam lib. 2. de grat. Salvat. cap. 4. &c. quam brevissime stringit col. 215. dum adversarium suum perstringit his verbis: *Quanta audacia, posse condannatos jam à rot facilius Majilites, afferere quod quia in statu Innocentia sufficiebat homini ad sautem gratia quae poterat perseverare si vellet, etiam nunc sufficere.* Declarat vero est ab Innoc. X. & Alexandro VII. huc 4. Propositione falsa & heretica, & ut talis damnata.

Prima pars hujus propositionis, quae facti questionem continet, falsa declaratur ex historia heresis Pelagiana in iis que aperte tradit S. August. Prosper, & Hilarius, qui contra hanc heresim decurserunt. Refert vero Augustinus lib. de Praedest. cap. 2. 3. 5. Semipelagianos gratiam interiorem ad singulos actus non admisisse, sed censuisse, initium fidei esse ex nobis, tanquam si fides non à Deo nobis donetur. Idem, *Fides non esse donum Dei.* Item, Eos agnoscisse quendam meritam suam, tanquam ipsi fibi ea facientes, non gratia Dei. Denique, & credere & perseverare ita nostrum esse, tanquam non à Domino nos accipiamus &c. Consentit fusus S. Prosper contra Collatorem, praesertim cap. 4. 6. 10. 13. 14. & deinceps, ubi disertè exprobat, quod diceret hominem posse bene agere sine gratia; non incitatum à Deo; ante gratiam; sine adjutorio Dei; per vires tantummodo humanae voluntatis; merito gratiam preventiente &c. Quae omnia in illis adeo obvia sunt & manifesta, ut contrarium sustinere aliud non videatur esse, quam velle quodammodo lectori oculos, & mente eripere.

Secunda pars propositionis damnata afferit: *Heresim esse Semipelagianam, talem admisere gratiam, cui posset humana voluntas resistere vel obtemperare.* Haec autem

tem assertio non videtur reipsa dissidere à propositione secunda, quæ supra refutata est. Nempe interioris gratia in statu naturæ lapsæ nunquam reflitti. Potest vero utraque Propositione Calvinus authore pridem gloriam. Docet enim ille lib. 2. *Instit. cap. 5. §. 11.* Errorum esse Scholasticorum, quod putarent in manu nostra esse respuere vel recipere oblata. Dei gratiam: & fuisse hunc errorem Pelagianorum, quos secuti sunt Semipelagiani, ibidem Calvinus dilerte afferit §. 23. *Audiamus, inquit, nunc Augustinum suis verbis loquentem, ne etatis nostra Pelagiani, hoc est Sorbonici Sophiste, totam vetustatem nobis adversari pro suo errore criminantur, in quo scilicet patrem suum Pelagium imitantur, a quo in eandem arenam ipse Augustinus protractus est.*

Porrò, ne in refellendo hoc errore ex Scriptura ac Patribus superiora reperamus, ex sola Tridentini definitione unum formemus argumentum nulli respuendum, qui orthodoxa Ecclesia autoritatem salvam velit. Tridentinum sic definit sess. 6. cap. 4. *Siquis dixerit liberum arbitrium à Deo motum & excitatum non posse dissentire si velit, anathema sit.* Censet igitur liberum arbitrium, hoc est, humanam voluntatem à Deo motam per internam gratiam posse illi gracie dissentire sive resistere, vel consentire si velit, quod est obtemperare. Atqui propositione damnata ex adverso afferit, *Semipelagianum, sive hereticum, esse admissere gratiam cui posse humana voluntas resistere vel obtemperare.* Ergo Semipelagiana & falla est definitio Tridentini, si vera est à Pontificibus damnata Jansenii doctrina; quod salvâ fidei Catholicæ veritate nemo admisit.

Frustra hinc queritur effugium; nexus est quinec solvi, nec frangi potest. Frustra, inquam, cum quibusdam finges Concilium hic ad potentiam remotam, vel ad sensum divisum respicisse, dum dixit liberum arbitrium posse dissentire si velit, posse autem velle dissentire pro eo statu quo praesentis gratiae impulsu carebit. Quis enim credit Concilium in re maximè seria nugas agere, aut lingua loqui quam nemo capiat? Nemo nisi nugando dicet, pauperem posse facere eleemosynam, si velit; si media requisita in prompta non habeat, aut potentiam proximam ut ea acquirat. Neque dicetur ligatus posse currere, si velit, si præter voluntatem non adit illi facultas quæ posse se vinculis expedire. Ergo quando Tridentinum pronuntiat, hominem posse dissentire divinae gracie si velit, necessariò definit, adesse potentiam proximam & expeditam, ut veli dissentire, aut tollere impedimenta quæ faciunt, ne hic & nunc possit dissensum elicere. Ergo necessarium est verba Concilii gratiae Jansenianæ voluntatem ad assensum necessitant, è diametro adversari.

Atque hinc ulterius satis inferri poterit, à Concilio definitum esse dari veri nominis gratiam merè sufficientem, cui voluntas actuœ reflitti, quamvis in ejus potestate fuerit illi consentire & obtemperare. Sed hoc infra inter controversias Scholasticas de gratia magis explicandum erit.

Quinta Propositio.

Semipelagianum est dicere, Christum pro omnibus omnino hominibus mortuum esse, aut sanguinem fundisse. Hanc conclusionem ex suis principiis infert idem Jansenius, quam S. Augustino imponere co-

R. P. Arfdekk. Tom. I.

natur, sic enim loquitur ille lib. 3. de gratia Salvatoris p. 21. col. 390. *Quia sane (inquit) cum in Augustini doctrina, confidimus certaque sint, nullamodo principiis eius consentaneum est, ut Christus Dominus, vel pro infidelium in infidelitate morientium, vel pro iustorum non perseverantium aeterna salute mortuus esse, sanguinem fundisse, semetipsum redemptionem dedisse, Patrem orasse sentiatur.*

Contra hoc dogma fidelium auribus sane acerbissimum, Ecclesia Romana, varia censuratum fulmina pridem detorrit: sic autem post alios Innocent. X. & Alexander VII. in diplomate gemino adversus propositionem quintam Jansenii, de eadœ doctrina pronuntiavit: *Falsam, temerariam, scandalosam, & intellectam eo sensu, ut Christus pro salute duntaxat predestinatarum mortuus sit, impianam, blasphemiam, contumeliosam, divinæ pietati derogantem, & Hereticam declaramus, & uti talem damnamus.*

Damnatur autem meritò hæc doctrina, quia apertere adversatur divina Scriptura afferlent, Deum velle omnes homines salvos fieri, & Christum dedisse semetipsum redemptionem pro omnibus. Sic etiam loquitur Apostolus 1. ad Timoth. cap. 1. *Obsecro igitur primum omnium fieri obsecrations, orationes, postulationes, gratiarum actiones pro omnibus hominibus, pro Regibus & omnibus qui in sublimitate sunt, ut quietam & tranquillam vitam agamus in omni pietate & castitate: hoc enim bonum est, & acceptum coram Salvatore nostro Deo.* Qui OMNES HOMINES VULT SALVOS FIERI, & ad agnitionem veritatis venire: unus enim Deus, unus & Mediator Dei & hominum homo Christus Iesus, Qui DEDIT REDEMPTIONEM SEMETIPSUM PRO OMNIBUS. Ubi sine ulla exceptione Apostolus affirmat, Deum velle omnes homines salvos fieri, & mox rationem assignat, *Unus enim est Deus, unus & Mediator Dei & hominum &c.* Atque absolutè & absque ulla limitatione, omnium hominum unus est Deus; ergo etiam, nullo excepto, unus omnium est mediator, pro omnibus mortuus est, & pro omnibus etiam reprobis in cruce sanguinem effudit. Quod vel ex eo confirmatur, quod Apostolus diserte affirmit Deum velle salvos fieri omnes pro quibus dicit orandum esse, cupit autem orationes fieri pro Regibus, & omnibus qui in sublimitate sunt, cum tamen eo tempore essent Reges gentiles ac reprobri; ergo non potest Apostolus intelligi de Christo mortuo pro solis predestinatis.

In eundem sensum verba Apostoli intelligit S. Augustinus lib. de Spirit. & litter. cap. 33. *Vult autem Deus omnes homines salvos fieri, & in agnitionem veritatis venire: non sicut tamen ut eis adimas liberum arbitrium, quo vel bene, vel male utentes justissime judicentur, &c.* Ubi admittit S. Doctor, Deum ex parte sua velle omnibus salutem procurare, & illis etiam qui libero arbitrio male utentes incident in judicium & damnationem.

Ut sententiam Augustini tam manifestam declinet Jansenius, persuadere conatur, illum loco citato non loqui ex suo sensu, sed Pelagianorum dogma recitare, postea refellendum. Sed inane est hoc effugium; hanc enim doctrinam minime reprobat, sed pergit tantum disputare contra Pelagianos, an fides ideo sit donum DEI, quia provenit à libero arbitrio quod à DEO creatum est, demum addens, ideo fidem esse donum DEI, *Quia binis suasionibus agit*

I

Deus

H. Isde
Kin

Theo.
logia
D. IV
L. 8

66 Cap. II. De Gratia, Oper. Lib. Arbit. Controv. Recentiores.

Deus ut velimus, & ut c̄redamus, sive extrinsecus per Evangelium, exhortationes, &c. sive intrinsecus, ubi ne habet in potestate quid ei veniat in mentem, sed consentire vel dissentire propria voluntatis est. Quinimò iterum dictum suum de voluntate omnes salvandi tacitè approbat, dum afferit, dari homini auxilium, cui consentire, vel dissentire sit propria voluntatis. Ad quid enim porrigit tale auxilium cum quo posuit aliquis dissentiendo perire, nisi velit ex parte sua etiam percantes salvos fieri?

Apostoli vero locum, quem in hac controversia lucidum ac decretorum omnis retrò agnoscit antiquitas, nescio qua distinctionum caligine obnubilare potius quam elucidare contendit. Dum enim Apostolus sine exceptione ait, Deum velle omnes homines salvos fieri, Jansenius vult omnes homines in ea sententia sum tantum generatim, pro generibus singulorum, non verò pro singulis generum, hoc est, Deum velle ex Judaeis & Gentibus, ex servis & liberis, ex principibus & privatis, & omni genere hominum aliquos salvari, non tamen velle, aut gratiae sue auxilia præbere, ut singuli homines in individuo salvi fiant. Cum enim absolutè negaret dari hominibus gratiam merè sufficientem, quam ut monstrofam & Molinisticam ab olendam judicabat, sed doceret omnem gratiam esse suo modo victricem & efficacem, qualis reprobis ad perseverandum non conceditur, hinc illi inferendum fuit, Deum non velle reprobos per media conigua salvos fieri, neque Christum pro eorum salute sanguinem suum patri obtrusisse.

Idem gratiae merè sufficientis odium in Calvinio, ut eundem peperit errorem, ita enim Calvinus de æterna Dei pred. pag. 706. recitat Apostoli verbis, de voluntate omnes salvandi, eandem distinctionem ita supponit: *Quis non videt ordinum hic geri mentionem, potius quam singulorum hominum? nec verò ratione careret illa distinctio, non singulos generum, sed genera singulorum notari.*

Et ne huic responsō decesserit assueta hereticis prædictientia, idem graviori tono inculcat lib. de occulta Dei provid. pag. 737. Certo inquit, certius est Paulum illic non de singulis hominibus agere, sed intelligere ordines & genera vocationum. En promalefido dogmate, quanta in concordia.

Hinc sanè patet, quām longè dictus Doctor ab Augustini mente ac sententia recesserit, cuius tamen se præceteris fidelem interpretem gloriatur. Peregrinum, ut existimo, illi Sancti Doctoris sensum reddidit, in ejus opere non satis observata distinctio voluntatis divinae, in eam quā vult absolutè & efficaciter homines, actu ad salutem pervenire, quām certum est non ad omnes, sed solos electos pertingere, & in aliam, quā Deus quantum est ex parte sua velit omnes ad salutem tendere, & ex vi meritorum Christi omnibus præbere auxilia: quibus, si non obstat liberum hominis arbitrium, possint iustitiam & gloriam adipisci. Et in hunc sensum doctrinam orthodoxam, atque adeò Augustino conformem exponit, firmatque Tridentinum scilicet 6. cap. 3. *Etsi Christus, pro omnibus mortuis est, non omnes tam in mortis ejus beneficium recipiunt; sed jū dumtaxat quibus meritum passionis ejus communicatur.* Ubi manifestè mors Christi complectitur etiam eos, qui ejus beneficio ad salutem non pervenient.

Ad extrellum, de hoc nefario dogmate contra

Sectarios agens, non immeritè notat Malde-
rus olim Lovani Doctor, & Antverpiæ Episcopus, in suis *Antisynodis cap. 4.* Vehementer esse formidandum, ne homines illi, qui negant Christum pro omnibus mortuum esse, eò tandem dementia deveniant, ut cum Mahometanis sentiant, Christum pro nemine mortuum esse. Nec desunt qui testantur, plures Calvinii assertas qui in primum hunc errorem incide-
runt, postea in secundum se præcipitas.

Opponunt aliqui recentius circa prædicta.

Primò; **C**HRISTVM quidem mortuum esse & sanguinem fudisse pro omnibus etiam reprobis, eo sensu, quod merita illius, que sunt infinita, sunt etiam omnibus sufficiens, quamvis non sint ab illo pro omnibus oblata. Sed satis refelli videatur breviter evasio illa, ex ipsis verbis propositionis 5. damnatae, quæ afferit; *Semipelagianum esse C*HRISTVM pro omnibus mortuum esse, & sanguinem fudisse. Ergò vera est propositio contradictoria quæ docet, Non esse Semipelagianum, sed omnino verum, mortem & sanguinem à Christo pro omnibus omnino hominibus data aut oblata esse: si enim pro omnibus omnino mortuus est, pro omnibus mortem suam Patri obtulit, intelligi vix posse. Quomodo Christus sit Redemptor omnium, si non impenetraverit omnibus auxilium quo saltē possint liberari, quod aliqui negant.

Secundò opponunt, quomodo Deus per gratiam merè sufficientem sincere vult reprobos salvos fieri, cum Deo sciente, & aliam gratiam dare nolente, melius fore ipsi nullam, quām tales gratiam habere? Sed aequè solendum est ipsis, id quod cum omnibus admittunt. Quomodo Deus Angelos reprobos per gratiam merè sufficientem sincere voluerit salvos fieri? Quod igitur gratia sit merè sufficiens, nec fortius effectum, non provenit ex intentione Dei illam concedentis, aut ex natura talis gratia: nam illa ex se actu bonum semper operaretur, nisi in hoc impidetur per liberum hominis arbitrium. Atque ita facilè intelligitur, melius quidem esse nullam gratiam habuisse, quām illam per contumaciam liberi arbitrii neglexisse, non tamen melius esse simpliciter non habuisse gratiam illam, quæ hominem ad bene agendum inclinabat & incitabat, & cum qua poterat recte operari & salvati, si illi inclinatione obtineraset.

Tertiò opponunt, sicut sustineri potest gratia physice prædeterminans, quām tradunt Thomistæ, aequè posse subsistere gratiam illam per se semper efficacem quam ajunt sicut sita esse in delectatione vietrici gratiae cœlestis &c. Sed hanc concordiam nec ipsa haec Schola Thomistica, nec ipse Jansenius admisit, qui gratiam illam prædeterminantem, ut aliorum gratiam congruam, disertè impugnat, & à gratia sua vietrica vult utramque longè abesse. Differuntiam gratiae Thomisticae prædeterminantis, & gratiae vietricis Jansenianæ, vide in hujus Thomi I. Parte II. Controversia VII. circa initium, *Ab hac Doctrina &c.*

Quartò opponunt, Non esse damnatum omnem omnino sensum quem possint habere Jansenii propositiones, vel earum Author, sed tantum aliquem sensum determinatum. Atqui probari non potest quod sensus

Cap. III. De Sacram. Eucharist. Controversiæ Recentiores.

69

sensus (quem illi sustinent) sit ille qui determinatē damnatur. Ergo potest sensus ille sustineri.

Sed ex hoc effugio sequeretur, si quis diceret dicitur se sustinere propositiones Lutheranas, Calvinianas, Janfesianas, non posse illum redargui. Quia prætendere semper potest, Non esse damnatum omnem omnino sensum, &c. Quād latum sic ab Apostolicis Decretis effugium semper captari possit, quis non videt? Sensus igitur in his, & aliis ille censeri debet damnatus, quem verba & contextus & status propositionis damnatae per se important, juxta institutionem, & proprium sensum verborum quibus propositionis damnata exprimitur: ita in omni tribunal sine tergiversatione proceditur.

Quintō opponunt, Recessus nimius à doctrina Hæreticorum modernorum (qualis est de Christo pro omnibus omnino mortuo, de gratia aliqua indifferenti, & merè sufficienti) plurimum nocet eorum conversioni, cūm ab his longissimè recedant. Ergo potius amplectenda ea doctrina quæ ab his minus recedit, sive, ad illos magis accedit, et si cum illis non convinat.

Resp. Accessum illum, de quo agitur, multò plus habere periculi, ne Hæreticos modernos in suo errore magis confirmet, & obduret. De hòc nemo melius restari potest quād ipsi Hæreticorum modernorum Doctores: inter quos *Samuel Marelius* in Hollandia celebris Doctor Calvinianus, in Praefatione ad suum Catechismum de Gratia, sic loquitur: Ipsius Pape authoritas sensum labascit per has controversias de Gratia, in quibus Pauli & Augustini sequaces (notum est ex contextu de quibus loquuntur) plurimas defendunt propositiones, quas Pius V. Gregorius XIII. & Urbanus VIII... damnaverant, &c. Sunt quidem hac verba Doctoris Hæretici, nec proinde judicis idonei: Sed ex quo facilè colligi potest, quid major ille accessus etiam apud heterodoxos operetur.

De his infra plura scholastice tradimus, & explicamus in hoc *Tomo I. Parte II.* de Gratia Divina, à Controversia 4. usque ad Controversiam 10. Extant & Theses variæ, aliaque de iisdem recentius edita anno 1684.

C A P U T III.

De Christi præsentia in Sacramento Eucharistie.

I. Catholici omnes affirmant in Sacramento Eucharistie, post panis & vini Consecrationem, Christum verè, ac realiter esse præsentem; ita ut virtute Consecrationis substantia panis mutetur in Corpus & vinum in sanguinem Domini, solis accidentibus panis & vini remanentibus.

Negant Calvinistæ per Consecrationem Christum constitutam præsentem realiter, sed tantum figurativè, sic ut nihil adsit præter ipsum panem & vinum, tanquam figuram aut signum representans Corpus & Sanguinem Christi pro nobis oblatum. Et in hoc sunt contrarii ipsi Lutherani, qui admittunt saltem in usu hujus Sacramenti realem Christi præsentiam, sed remanente simul panis & vini substantia.

II. Probatur Catholica veritas ex manifestis Christi verbis Matth. cap. 26. *Hoc est Corpus meum quod pro vobis tradetur. Hic est Sanguis meus qui pro vobis effundetur.* Atqui non figura Corporis Christi pro R.P. Arfdekk. Tom. I.

nobis tradenda erat, sed verum ipsius Corpus traditum, & ejus verus Sanguis effusus est. Ergo Christus illis verbis affirms verum suum Corpus & Sanguinem in Sacramento contineri. Sic utin sensu proprio & identico non possint illa verba aliud significare quam Contentum sub hac specie panis est Corpus meum. Ut si Christus in Cana Galilææ, volens viverborum aquam sibi præsentem in vinum convertere, dixisset, *Hoc est vinum quod vobis fundetur.* Si quis autem negaret illis verbis hoc posse præstari, non verborum proprietatem, sed Christi potentiam oppugnaret. Nec claram autem est Christum voluisse illis verbis se in Sacramento Eucharistie realiter constituere, vel Ecclesiam suam decipere, quod sic declaro:

Sialiquis Pater probus & prudens promitteret se filii relicturum auri summam, sicut Christus promisit se Corpus suum relicturum discipulis manducandum, & idem parens postea in ultimo testamento scripnum relinquere cum his verbis: *Hoc est aurum quod vobis tradetur; Quis hominum dubitaret illie verum aurum, & non tantum auri figuram aliquam contineri: vel patrem illum runc delirasse.*

III. Regula apud omnes certa est cum S. August. lib. 3. de doct. Christi cap. 1. Quando verba Scriptura sumi possunt propriè, nunquam accipienda esse figuratè, nisi aliunde constet id esse manifestè necessarium. Quod hic minimè constat, cūm Christus non minus potuerit se in Sacramento collocare vere, quam figuratè, idque verbis illis propriè significare. Quod si nolis hic eam regulam retinere, codem jure poterunt Ariani explicare loca Scripturæ, in quibus dicitur Christus esse unus cum Patre aeterno, de unitate aliquâ imprœdicta. Ut cūm dicit Christus Joan. 10. v. 3. *Ego & Pater unus sumus*, illud rectè intellegit Arianus de unitate metaphorica, sita in concordia voluntatum, non verò de unitate substantie propriè dicta. Neque unquam poteris ostendere ex Scripturis Arianos in hoc à vero Scriptura sensu aberrare, nisi ad illam regulam illos adstringas, quæ requirit ut verba Scripturæ absque necessitate imprœdicta non intelligantur.

IV. Hunc Christi sensum, & realem ejus præsentiam declarat Apostolus Paulus 1. ad Corinth. 10. *Calix benedictionis cui benedicimus, nonne communicatio Sanguinis Christi est: & panis quem frangimus nonne participatio Corporis Christi est?* Et iterum: *Quicunq; manducaverit panem hunc vel bibet calicem indignè reus eris Corporis & Sanguinis Domini.*

Quomodo reus erit Corporis Domini indignè manducati, si corpus Domini non manducet, sed ejus figuram? Non admittet certè Calvinista eum, qui indignè tractat figuram aut imaginem Christi, reum esse culpæ, cūm Christum in sua imagine aut figura honrandum esse prorsus negerit.

V. Nulla igitur hic apud Apostolum, nulla apud Evangelistas figura mentio, sed omnes eadem verba, *Hoc est Corpus meum, quod pro vobis tradetur.* Eodem modo aperte & simpliciter proponunt: quod certè minimè fecissent, si per Corpus Christi, figuram Corporis Christi intelligi voluissent; quomodo enim illud intelligi vellent, quod suis verbis toties repensis non expellerunt?

Quinimò Christus ipse Joan. 6. vers. 56. dicens: *Caro mea vere est cibus & Sanguis meu vere est potus,*

Alode
kin

Theo.
logia